

ՀԱՅՏԱՐԱՐՈՒԹՅՈՒՆ  
հրավերի պարզաբանման մասին

Հայտարարության սույն տեքստը հաստատված է գնահատող հանձնաժողովի  
2024 թվականի հունվարի 11-ի թիվ 2 որոշմամբ և հրապարակվում է  
«Գնումների մասին» ՀՀ օրենքի 29-րդ հոդվածի համաձայն

Ընթացակարգի ծածկագիրը **ՃԴ-ԳՀԾՁԲ-2024/01**

**«Հյուսիս-հարավ ճանապարհային միջանցքի ներդրումային ծրագիր Տրանշ 3, Մ1  
Երևան-Գյումրի-Վրաստանի սահման ավտոճանապարհի Լանջիկ-Գյումրի հատվածի  
մուտքերի կառուցման նպատակով Հողերի օտարման և տարաբնակեցման ծրագրի (ՀՕՏԾ)  
լրացման իրականացման» խորհրդատվական ծառայությունների** ձեռքբերման նպատակով  
կազմակերպված **ՃԴ-ԳՀԾՁԲ-2024/01** ծածկագրով գնման ընթացակարգի գնահատող  
հանձնաժողովը ստորև ներկայացնում է նույն ծածկագրով հրավերի վերաբերյալ 2024  
թվականի հունվարի 10-ին ստացված հարցադրումները և դրանց վերաբերյալ 2024 թվականի  
հունվարի 10-ին տրամադրված պարզաբանումները՝

**Հարցադրում N 1՝** Հրավերի մաս I-ի հայտը ներկայացնելու կարգը կետի 4,3 ենթակետում  
նշված է, որ մասնակիցը ներկայացնում է հայտի ապահովում կանխիկ փողի կամ բանկային  
երաշխիքի ձևով և մաս I-ի հայտերի բացումը, գնահատումը և արդյունքների ամփոփումը կետի  
8.2 ենթակետում նշված է, որ հայտերի բացման և գնահատման նիստում հանձնաժողովը  
մերժում է այն հայտերը, որոնցում բացակայում են գնային առաջարկները և/կամ հայտի  
ապահովումը կամ դրանք ներկայացված են հրավերի պահանջներին անհամապատասխան:  
Սակայն որևէ տեղ նշված չէ թե ինչպես է որոշվում կանխիկ փողի կամ բանկային երաշխիքի  
ձևով ներկայացված հայտի ապահովման չափը, կամ կանխիկ փողի միջոցով ներկայացված  
հայտի ապահովումը գանձապետական որ հաշվին պետք է փոխանցվի և այլն: Հաշվի առնելով  
վերը շարադրյալը խնդրում ենք պարզաբանել հրավերում հայտի ապահովման պահանջ  
սահմանված է թե ոչ:

**Պարզաբանում N 1՝** Համաձայն ՀՀ կառավարության 2017 թվականի մայիսի 04-ի N 526-Ն  
որոշման 32-րդ կետի 9-րդ ենթակետի, եթե գնման հայտով տվյալ ընթացակարգի շրջանակում  
գնվելիք ապրանքի, աշխատանքի կամ ծառայության գինը (պլանավորված (կանխատեսվող)  
գնման ընդհանուր գինը) չի գերազանցում գնումների բազային միավորի քսանհինգապատիկը,  
ապա հայտի ապահովում չի ներկայացվում: Քանի որ ՃԴ-ԳՀԾՁԲ-2024/01 ծածկագրով գնման  
ընթացակարգի գնման գինը չի գերազանցում գնումների բազային միավորի  
քսանհինգապատիկը, հրավերից հանվել է մաս I-ի 7-րդ բաժինը, մասնավորապես հայտի  
ապահովում ներկայացնելու պահանջը և հրավերի II մասի 2-րդ կետից  
համապատասխանաբար հանվել է 2.4 կետը:

**Հարցադրում N 2՝** Հրավերի 4.2 և 5.1 հավելվածների վճարման պահանջագրերի 23ա. կետում  
առկա է վճարողին սպասարկող ֆինանսական կազմակերպության հատված, իսկ վճարման  
պահանջագրի պարտադիր վավերապայմանները և լրացման ուղեցույցը հատվածում նշված է,  
որ վճարման պահանջագիրը վճարողին սպասարկող ֆինանսական կազմակերպությանը  
թղթային եղանակով ներկայացված լինելու դեպքում պարտադիր է վճարողին սպասարկող  
ֆինանսական կազմակերպության (մասնաճյուղի) աշխատակցի ստորագրությունը և  
ֆինանսական կազմակերպության (մասնաճյուղի) որոշմակնիքը: 16.12.2016թ. ընդունված ՀՕ-21-

Ն «Գնումների մասին» ՀՀ օրենքի 35-րդ հոդվածի 2-րդ կետի համաձայն պայմանագրի և (կամ) որակավորման ապահովումները ներկայացվում է ընտրված մասնակցի միակողմանի հաստատված հայտարարության՝ տուժանքի կամ կանխիկ փողի կամ բանկային երաշխիքի ձևով: Հաշվի առնելով վերը շարադրյալը խնդրում ենք պարզաբանել թե ընտրված մասնակիցը որակավորման և պայմանագրի ապահովումները ներկայացնելու է միայն իր կողմից ստորագրված (կնքված) թե ոչ: Եթե ոչ, խնդրում ենք պարզաբանել, թե ինչպես պետք է տրամադրվի:

**Պարզաբանում N 2՝** Համաձայն գնումների մասին ՀՀ օրենքի 35-րդ հոդվածի 2-րդ կետի, Պայմանագրի և որակավորման ապահովումը ներկայացվում է ընտրված մասնակցի միակողմանի հաստատված հայտարարության՝ տուժանքի կամ կանխիկ փողի կամ բանկային երաշխիքի ձևով /ՃԴ-ԳՀԾՁԲ-2024/01 ծածկագրով գնման ընթացակարգի դեպքում՝ ընտրված մասնակցի կողմից ներկայացվելու է պայմանագրի կնքման փուլում միակողմանի հաստատված հայտարարության՝ տուժանքի կամ կանխիկ փողի ձևով/:

Սույն հայտարարության հետ կապված լրացուցիչ տեղեկություններ ստանալու համար կարող եք դիմել **ՃԴ-ԳՀԾՁԲ-2024/01** ծածկագրով գնահատող հանձնաժողովի քարտուղար Արմինե Շալունցին:

**Հեռախոս՝ 010 54 21 76**

**Էլ. Փոստ՝ [procurement@armroad.am](mailto:procurement@armroad.am)**

**Պարզվիրաբու՝ «Ճանապարհային դեպարտամենտ» հիմնադրամ**